

Жамбыл облысының Қордай ауданындағы Қақпатас I, II, III өзендерінде "Шоқпар-Гагаринское" жауапкершілігі шектеулі серіктестігінің жер бөлінісі шекарасында су қорғау аймақтары мен белдеулерін және оларды шаруашылық пайдалану режимін белгілеу туралы

Жамбыл облысы әкімдігінің 2023 жылғы 21 желтоқсандағы № 276 қаулысы. Жамбыл облысы Әділет департаментінде 2023 жылғы 25 желтоқсанда № 5139 болып тіркелді

Қазақстан Республикасы Су кодексінің 39-бабының 2), 2-1) тармақшаларына және 116-бабының 2-тармағына, "Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасы Заңының 27-бабы 1-тармағының 8-1) тармақшасына, "Су қорғау аймақтары мен белдеулерін белгілеу қағидаларын бекіту туралы" Қазақстан Республикасы Ауыл шаруашылығы министрінің 2015 жылғы 18 мамырдағы № 19-1/446 бұйрығымен (Нормативтік құқықтық актілерді мемлекеттік тіркеу тізілімінде № 11838 болып тіркелген) бекітілген Су қорғау аймақтары мен белдеулерін белгілеу қағидаларының 5-тармағына сәйкес Жамбыл облысының әкімдігі ҚАУЛЫ ЕТЕДІ:

1. Жамбыл облысының Қордай ауданындағы Қақпатас I, II, III өзендерінде "Шоқпар-Гагаринское" жауапкершілігі шектеулі серіктестігінің жер бөлінісі шекарасында су қорғау аймақтары мен белдеулері осы қаулының 1-қосымшасына сәйкес белгіленсін.

2. Жамбыл облысының Қордай ауданындағы Қақпатас I, II, III өзендерінде "Шоқпар-Гагаринское" жауапкершілігі шектеулі серіктестігінің жер бөлінісі шекарасында су қорғау аймақтары мен белдеулерін шаруашылық пайдалану режимі осы қаулының 2-қосымшасына сәйкес белгіленсін.

3. "Жамбыл облысы әкімдігінің табиғи ресурстар және табиғат пайдалануды реттеу басқармасы" коммуналдық мемлекеттік мекемесі заңнамада белгіленген тәртіппен:

1) осы қаулының әділет органдарында мемлекеттік тіркелуін;

2) осы қаулының Жамбыл облысы әкімдігінің интернет-ресурсында орналастырылуын;

3) осы қаулыдан туындайтын өзге де шаралардың қабылдануын қамтамасыз етсін.

4. Осы қаулының орындалуын бақылау Жамбыл облысы әкімінің жетекшілік ететін орынбасарына жүктелсін.

5. Осы қаулы алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Жамбыл облысының әкімі

Е. Карашукеев

"КЕЛІСІЛДІ"

Қазақстан Республикасы
 Су ресурстары және ирригация министрлігі
 Су шаруашылығы комитетінің
 Су ресурстарын пайдалануды реттеу
 және қорғау жөніндегі Шу-Талас
 бассейндік инспекциясы
"КЕЛІСІЛДІ"

Қазақстан Республикасы
 Денсаулық сақтау министрлігі
 Санитарлық-эпидемиологиялық
 бақылау комитетінің Жамбыл облысының
 санитарлық-эпидемиологиялық бақылау
 департаменті

Жамбыл облысы әкімдігінің 2023
 жылғы 21 желтоқсандағы № 276
 қаулысына 1-қосымша

Қақпатас I, II, III өзендері учаскесінің аумағындағы су қорғау аймақтары мен белдеулері шегінде су қорғау белгілері және оларды орнату орындары

Реттік нөмірі	Белгінің атауы	Өзен сағасынан қашықтық, (километр)	Ені (метр)	Координаттар	
				Бойлық (WGS 84)	Ендік (WGS 84)
1	2	3		4	5
Қақпатас I – 2,6 км					
1	Су қорғау аймағы	ПК 0-2,6	500	43° 23' 1,613" N	74° 41' 3,308" E
2	Аумақты ластауға тыйым салынады	ПК 0-2,6	500	43° 23' 1,613" N	74° 41' 3,308" E
3	Су қорғау белдеуі	ПК 0-2,6	100	43° 23' 14,156" N	74° 40' 54,958" E
4	Су қорғау белдеуі	ПК 0-2,6	100	43° 23' 21,603" N	74° 40' 54,473" E
5	Су қорғау аймағы	ПК 0-2,6	500	43° 23' 35,246" N	74° 40' 51,187" E
6	Аумақты ластауға тыйым салынады	ПК 0-2,6	500	43° 23' 35,246" N	74° 40' 51,187" E
Қақпатас II – 6,5 км					
7	Су қорғау аймағы	ПК 0-3	500	43° 23' 55,983" N	74° 37' 50,414" E
8	Су қорғау белдеуі	ПК 0-3	100	43° 23' 43,435" N	74° 37' 56,456" E

9	Су қорғау белдеуі	ПК 0-3	35	43° 23' 36,215" N	74° 38' 0,651" E
10	Су қорғау аймағы	ПК 0-3	500	43° 23' 21,862" N	74° 37' 58,131" E
11	Су қорғау аймағы	ПК 0-7	500	43° 24' 38,819" N	74° 39' 6,671" E
12	Аумақты ластауға тыйым салынады	ПК 0-7	500	43° 24' 38,819" N	74° 39' 6,671" E
13	Су қорғау белдеуі	ПК 0-7	100	43° 24' 29,408" N	74° 39' 21,623" E
14	Су қорғау белдеуі	ПК 0-7	100	43° 24' 23,537" N	74° 39' 25,738" E
15	Су қорғау аймағы	ПК 0-7	500	43° 24' 10,876" N	74° 39' 32,163" E
16	Аумақты ластауға тыйым салынады	ПК 0-7	500	43° 24' 10,876" N	74° 39' 32,163" E
Қақпатаc III – 3,9 км					
17	Су қорғау аймағы	ПК 0-3	500	43° 24' 54,354" N	74° 37' 52,111" E
18	Аумақты ластауға тыйым салынады	ПК 0-3	500	43° 24' 54,354" N	74° 37' 52,111" E
19	Су қорғау белдеуі	ПК 0-3	100	43° 25' 6,134" N	74° 37' 44,335" E
20	Су қорғау белдеуі	ПК 0-3	100	43° 25' 12,950" N	74° 37' 42,311" E
21	Су қорғау аймағы	ПК 0-3	500	43° 25' 29,941" N	74° 37' 35,878" E
22	Аумақты ластауға тыйым салынады	ПК 0-3	500	43° 25' 29,941" N	74° 37' 35,877" E

Жамбыл облысы әкімдігінің 2023 жылғы 21 желтоқсандағы № 276 қаулысына 2-қосымша

Су қорғау аймақтары мен белдеулерін шаруашылық пайдалану режимі

1. Осы режим Қазақстан Республикасының Су кодексіне сәйкес ерекше қорғалатын табиғи аумақтар мен мемлекеттік орман қоры жерінің құрамына кіретін су объектілерін қоспағанда, жер үсті суларының ластануын, қоқысталуын және сарқылуын болғызбау, сондай-ақ өсімдіктер мен жануарлар дүниесін сақтау үшін су объектілерін санитарлық-гигиеналық және экологиялық талаптарға сәйкес жағдайда ұстау үшін әзірленді.

2. Су қорғау белдеулерінің шегінде:

1) су объектілерінің сапалық және гидрологиялық жай-күйін нашарлататын (ластану, қоқыстану, сарқылу) шаруашылық қызметіне немесе өзге де қызметке;

2) су шаруашылығы және су жинайтын құрылысжайлар мен олардың коммуникацияларын, көпірлерді, көпір құрылысжайларын, айлақтарды, порттарды, пирстерді және су көлігі қызметіне байланысты өзге де көліктік инфрақұрылым, кәсіпшілік балық өсіру, балық шаруашылығы технологиялық су айдындары объектілерін, жаңартылатын энергия көздерін (гидродинамикалық су энергиясын) пайдалану объектілерін, сондай-ақ су объектісіндегі рекреациялық аймақтарды қоспағанда, демалыс және (немесе) сауықтыру мақсатындағы ғимараттар мен құрылысжайларды салмай, ғимараттар мен құрылысжайларды салуға және пайдалануға ;

3) бау-бақша егуге және саяжай салуға жер учаскелерін беруге;

4) су объектілерінің және олардың су қорғау аймақтары мен белдеулерінің ластануын болғызбайтын құрылыстармен және құрылғылармен қамтамасыз етілмеген қазіргі бар объектілерді пайдалануға;

5) жекелеген учаскелерді шалғындандыруға, егін егуге және ағаш отырғызуға арналған жерлерді өңдеуді қоспағанда, топырақ және өсімдік қабатын бұзатын жұмыстарды жүргізуге (оның ішінде жер жыртуға, мал жаюға, пайдалы қазбаларды өндіруге);

6) шатыр қалашықтарын, көлік құралдары үшін тұрақты тұрақтарды, малдың жазғы жайылым қостарын орналастыруға;

7) пестицидтер мен тыңайтқыштардың барлық түрлерін қолдануға тыйым салынады

2. Су қорғау аймақтарының шегінде:

1) су объектілерін және олардың су қорғау аймақтары мен белдеулерінің ластануы мен қоқыстануын болғызбайтын құрылыстармен және құрылғылармен қамтамасыз етілмеген жаңа және реконструкцияланған объектілерді пайдалануға беруге;

2) ғимараттарға, құрылыстарға, коммуникацияларға және басқа да объектілерге реконструкция жүргізуге, сондай-ақ құрылыс, су түбін тереңдету және жарылыс жұмыстарын жүргізуге, пайдалы қазбалар өндіруге, кәбіл, құбыр және басқа да коммуникацияларды төсеуге, белгіленген тәртіппен жергілікті атқарушы органдармен, бассейндік инспекциялармен, қоршаған ортаны қорғау саласындағы уәкілетті мемлекеттік органмен, халықтың санитариялық-эпидемиологиялық саламаттылығы саласындағы мемлекеттік органмен және басқа да мүдделі органдармен келісілген жобасы жоқ бұрғылау, жер қазу және өзге де жұмыстар жүргізуге;

3) тыңайтқыштар, пестицидтер, мұнай өнімдерін сақтайтын қоймаларды, көлік құралдары мен ауыл шаруашылығы техникасына техникалық қызмет көрсету, оларды жуу пункттерін, механикалық шеберханаларды, тұрмыстық және өнеркәсіп қалдықтарын төгетін құрылғыны, аппаратураларды пестицидтермен толтыратын

аландарды, авиациялық-химиялық жұмыстар жүргізуге арналған ұшу-қону жолақтарын орналастыруға және салуға, сондай-ақ судың сапасына кері әсер ететін басқа да объектілерді орналастыруға;

4) мал шаруашылығы фермалары мен кешендерін, сарқынды су жинағыштарды, сарқынды сумен суарылатын егістіктерді, зираттарды, мал қорымдарын (биотермиялық шұңқырларды), сондай-ақ жерүсті және жерасты суларының микробпен ластану қаупіне себепші болатын басқа да объектілерді орналастыруға;

5) жүктелім нормасынан асырып мал жаюға, су тоғандарының режимін нашарлататын мал тоғыту мен санитариялық өңдеуге және шаруашылық қызметінің басқа да түрлеріне;

6) су көздеріндегі су кемерінен екі мың метрге жетпейтін қашықтықта орналасқан ауыл шаруашылығы дақылдары мен орман екпелерін пестицидтермен авиациялық өңдеу және авиация арқылы минералдық тыңайтқыштармен қоректендіру тәсілін қолдануға;

7) концентрациясының жол берілетін шегі белгіленбеген пестицидтерді қолдануға, қардың үстіне тыңайтқыш себуге, сондай-ақ залалсыздандырылмаған көң қосылған сарқынды суды және тұрақты хлорорганикалық пестицидтерді тыңайтқыш ретінде пайдалануға тыйым салынады.

Су қорғау аймағында мәжбүрлі санитариялық өңдеу жүргізу қажет болған жағдайда уыттылығы әлсіз және орташа тұрақсыз пестицидтерді қолдануға жол беріледі.

3. Су объектілерінде және (немесе) су қорғау аймақтарында (су қорғау белдеулерінен басқа) жаңа объектілерді (ғимараттарды, құрылыстарды, олардың кешендерін және коммуникацияларды) жобалау, салу және орналастыру, сондай-ақ олар алып жатқан жер учаскелері су қорғау аймақтарына және белдеулерге немесе өзге де ерекше қорғалатын табиғи аумақтарға жатқызылғанға дейін тұрғызылған қолданыстағы объектілерді реконструкциялау (кеңейту, жаңғырту, техникалық қайта жарақтандыру, қайта бейіндеу) бассейндік инспекциялармен, қоршаған ортаны қорғау саласындағы уәкілетті мемлекеттік органмен, жер қойнауын зерттеу жөніндегі уәкілетті органмен, халықтың санитариялық-эпидемиологиялық саламаттылығы саласындағы мемлекеттік органмен, ветеринария саласындағы уәкілетті органмен, Жамбыл облысының жергілікті атқарушы органымен келісіледі.

Келісу тәртібі Қазақстан Республикасының сәулет, қала құрылысы және құрылыс қызметі туралы заңнамасына сәйкес бекітілген, құрылыс саласында құрылыс салуды ұйымдастыру және рұқсат беру рәсімдерінен өту қағидаларында айқындалады.

Ықтимал сел қаупі бар су объектілеріндегі нақ осындай қызмет - азаматтық қорғау саласындағы уәкілетті органмен, ал су кемелері қатынайтын су жолдарында су көлігі мәселелері жөніндегі уәкілетті органмен келісіледі.

4. Қолданылуы су объектілерінің жай-күйіне теріс әсер етуі мүмкін жаңа объектілердің құрылысын немесе қолданыстағыларын реконструкциялау (кеңейту,

жаңғырту, техникалық қайта жаратандыру, қайта бейіндеу) жобаларында техникалық сумен жабдықтаудың тұйық (ақпайтын) жүйесі көздеуге тиіс.

5. Су объектілерінің жай-күйіне теріс әсер етуі мүмкін қолданыстағы (салынып жатқан) объектілерді консервациялау және жою (кейіннен кәдеге жарату) бассейндік инспекциялармен, қоршаған ортаны қорғау саласындағы уәкілетті мемлекеттік органмен, халықтың санитариялық-эпидемиологиялық саламаттылығы саласындағы мемлекеттік органмен, жер қойнауын зерттеу жөніндегі уәкілетті органмен және өзге де мемлекеттік органдармен келісім бойынша Қазақстан Республикасының заңдарында белгіленген тәртіппен жүргізіледі.

6. Су объектілерінің аумағы арқылы көліктік немесе инженерлік коммуникациялар салу жобалары тасқын суларды өткізуді, су объектілерін пайдалану режимін, судың ластануын, қоқыстануын және сарқылуын болғызбауды, олардың зиянды әсерінің алдын алуды қамтамасыз ететін іс-шаралардың жүргізілуін көздеуге тиіс.

Көрсетілген жобалар бассейндік инспекциялармен, қоршаған ортаны қорғау саласындағы уәкілетті органмен, жер қойнауын зерттеу жөніндегі уәкілетті органмен, халықтың санитариялық-эпидемиологиялық саламаттылығы саласындағы мемлекеттік органмен, энергиямен жабдықтау саласындағы уәкілетті органмен келісілуге жатады.

7. Қазақстан Республикасының заңнамасында белгіленген тәртіппен келісілген және салалық сараптамалардың түйіндерін қамтитын, құрылыс жобаларына (техникалық-экономикалық негіздемелерге, жобалау-сметалық құжаттамаға) ведомстводан тыс кешенді сараптаманың оң қорытындысы алынған жобалар болмаса, су қорғау аймақтары мен белдеулерінде кәсіпорындар, ғимараттар, құрылыстар мен коммуникациялар салуға (реконструкциялауға, күрделі жөндеуге) тыйым салынады.

8. Су объектілеріндегі немесе су қорғау аймақтарындағы су объектілерінің жай-күйіне әсер ететін құрылыс, түбін тереңдету және жарылыс жұмыстары, пайдалы қазбаларды және басқа да ресурстарды өндіру, кабельдерді, құбырлар мен басқа да коммуникацияларды төсеу, орман ағаштарын кесу, бұрғылау және өзге де жұмыстар бассейндік инспекциялармен, қоршаған ортаны қорғау саласындағы уәкілетті мемлекеттік органмен, халықтың санитариялық-эпидемиологиялық саламаттылығы саласындағы мемлекеттік органмен, Жамбыл облысының жергілікті атқарушы органы, кеме қатынасына жатқызылған су объектілерінде - қосымша су көлігі органдарымен де келісім бойынша жүргізіледі.

9. Су объектілерінде және олардың су қорғау аймақтарында жұмыстар жүргізу тәртібі су объектілерінің жай-күйін, қоршаған ортаның экологиялық тұрақтылығын сақтау талаптарын ескере отырып, бассейндік инспекциялармен, қоршаған ортаны қорғау саласындағы уәкілетті мемлекеттік органмен, халықтың санитариялық-эпидемиологиялық саламаттылығы саласындағы мемлекеттік органмен, Жамбыл облысының жергілікті атқарушы органы және өзге де мүдделі мемлекеттік органдармен келісім бойынша әрбір су объектісі бойынша жеке-дара айқындалады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК